

ERA NOTÍCIA:

ETH FUTUR DES BANHS D'ARTIES

Es propietaris des BANHS D'ARTIES, decidiràn eth propèr mes de Seteme era venta d'aguest edifici, dempús d'auer rebut ofèrtes de diuèrses societats tant deth govèrn espanhol com deth govèrn francès.

Es propietaris an com objectiu principal véner tot eth complexe, ei a dider er edifici des Banhs (que compde tamb 3 plantes de 400 m²), era residència des encargats, e 2 ectarees de tèrres.

Es societats interessades volen hèr ua reforma e ampliacion des installacions qu' en aguesti moments solet foncionen es mesider ostiu e damb moltes dificultats, degut a que solet compde tamb 5 banhères que sonque son visitades pes toristes e vesins deth lòc.

Tota reestructuracion que se pogue produir intentaríe conservar es elements tradicionals deth complexe.

Es aigües termals s'aprofiten ena Val d'Aran des deth segle X.

Es aigües d'Arties gessen ar exterior a 30º de temperatura, e vien dera madeisha bossa subterrànea qu'es deth balneari de Caldes de Bohí.

Aguesta aigua termosulfurosa a qualitats terapeutiques e curatiues. Dempús d'un estudi realisat en parçan peth convèni entre era Dipotacion e era ENHER, s'an descubèrt naues bosses a uns 700 mts de profunditat qu'an ua temperatura de 150º.

Aguestes aigües a mès d'èster aprofitades coma curatiues, poderien èster utilisades en diuèrses activitats industrials o entà solocionar eth problèma deth cauatge dera zòna.

EDITORIAU**GESSEM EN CARRÈR**

Gessem en carrèr entà potenciar era nòsta lengua, era de TOTI; entà informar, entà amplir eth uet que patim en nòste parçan de comunicacion en lengua aranesa.

TOTI, amasse en son títol tota era significacion que volem dà-li. Cau qu'aguesta òbra sigue era de TOTI aqueri que volem liéger en aranés.

Pensam entrar un viatge per setmana enes cases de TOTI es poblants d'ARAN, sense distincion e auem eth propòsit d'èster ath servici de TOTI.

TOTI ei eth resultat dera voluntat dera Generalitat de Catalonha, amassa damb eth Conselh Comarcau de Montanha dera Val d'Aran e es Ajuntaments d'Aran.

Non volem hèr era competència ad arrés ne volem enfrontà-mos damb arrés, volem hicar eth nòste pervier de pòble enes mans de TOTI es aranesi.

.....

IMPRESI SENSE ADREÇA
